

PUBLIC STATEMENT

Rohingya okkololla Insaaf adde Ekkufuati gora entezar gorit nofaribo

25 August 2021

Aijja, Bormat maje Rohingyare dola dola mari felaiyede e dinor 4 bosor or uore, aara Rohingyalla insaafor adde ekkufuati gorar dak diir.

Zug zug dori forok adde zulum gori aiyedde iin August or 25 tarik 2017 ot maje ebbere boddaish noo faan oigiyoi, jette bormar militariye Arkanot maje Rohingya khelaf raham sara zulum goijjil jiyanor joriya insaani hokkor bishi kaanun banga oiye ar 7 lakh 25 hazar Rohingya Bangladeshot ai jagoi foijje. Aijja tokoriban 10 lakh Rohingya Bangladeshot Coxs Bazar or Rohingya Kemfoth maje take. Bishi haitta hadi ola adde hom shujug shuida asede kem gin COVID-19 biyaram baredde iinor, dengü biyaramor, ar kolera biyaram yato gorom biyaram aar fanir ban adde oinor hotorat maje ase. Edemaje, bormar butore lak lak manuish ejjagattu arejjagat besahara oi-ase, beshabishi manuish bon kemot maje bondi ase, ar guda desh, February 1 2021 or militarir coup (eng) joriya mushkiloth ase.

Rohingya e mushkilat okkol mukabela gorar badeo, fottidin tara so'li udibar bol aar taakot ore deha. 2019 loti, AJAR e kemfot maje Rohingya refugee okkolloi haj goijje arr tarar fakka erada nizebaze deikke. Gujori giyoide taimor dilor hoshtore ar mummikka jindegit ki oibo noibo iyan hoinofara re boi loizar, refugee okkole tarar salsolan adde bishshash ore shorman gori tarar halotore torki goribolla nozirayore noya ratsa tuaibolla lagathar kushishot ase.

Beshabishi duniyaibi troika okkol Rohingyar insaafore age loijaibolla ham goror, ar dimukresir torfe matoiya okkole Rohingyalla tarar sapput yato modoth dehaibolla kodom loije. Jenoi bo ouk, ehonor taimoth maje, insaaf adde nizebaze, hefazotor sathe, ar izzotor sathe wafesi duniyan bishi dure. Iyan hamaha bodola foribo.

Ei bosoror dinoth maje, aara duniyair manuishore dak didde:

- Zulum hai basi asede manuish okkolor zindegire meramoth goitte modoth goribolla fouran adde toitta entezam okkol age loizon ar bol diyore modoth goribar program okkolot lamba taimolla kum dibolla;
- ICJ yani duniyair insaafor bodda kuutoth bormar khelaf mamela goijjede Gambiyar fuati miliyore zimmadarire age loijaibolla ar ICJ, ICC ar IIMM hodde kuut yani adaloth iinor zimmadarir torikaokkol orr modoth gorar ar bujafora beish gorar zoriya zimmadarire age loijaibolla;
- Bormat maje dimukresir andulonore sapput yato modoth goribolla;
- Bangladeshe Rohingyare hanafinar modoth adde ja oinnainno modoth okkol der iinor maje sapput yato modoth goribolla;
- ASEAN ore sib di rakibolla jene Rohingya mozulum okkolor hok faa ar insaaf mile.

Signatories:

- Asia Justice and Rights (AJAR)
- #Sisters2Sisters
- Perlindungan Insani Indonesia
- KontraS
- KontraS Aceh
- The May 18 Memorial Foundation
- Cross Cultural Foundation (CrCF)
- Kurawal Foundation
- Migrant CARE
- Milk Tea Alliance Indonesia
- SP Kinasih Solidaritas Perempuan
- YLBHI
- Asia Democracy Network (ADN)
- Advocacy Forum
- Suara Perempuan Desa (SPD - Rural Women Voices)
- Kachin Women's Association Thailand (KWAT)
- Asosiasaun Chega! Ba Ita (ACbit)

#WithTheRohingya